

光緒癸未年夏月鐫

古燕孫望林先生較輯

良朋彙集

增補拾遺

上洋校經山房藏板



南京中醫藥大學圖書館版權所有

序

太虛造物於無爲人以多欲而生疾蓋動之機生乎靜靜之機
原適如其動是以機有可畏而閑邪存誠脩物以當致用者也
昔古帝神農氏身居草莽之中親執耒耜之器相土之宜樹藝
五穀稼穡既成民知粒食之美又恐生生之不遂故嘗百草味
酸甜辨苦辣識寒熱知溫涼遇毒七十二皆能神化而保全位
君臣通佐使開百世之醫宗救萬民之疾若斯時也豈能違料
夫後世之人盡皆生疾而預爲醫藥以廖之乎不然聖人之心
體靜乎中變通於分思後世之人必有以聲色之眩於耳目者
嗜慾之生於口腹者不節不和而觸乎疾矣雖欲全夫天命之
正順夫生生之理何可得乎故爲醫藥而救疾苦脩物於始致
用於終也帝軒轅君天下商岐伯參天地法陰陽擬五臟配六

腑著素問內經周扁鵲退長桑飲上池洞肺腑見肝膈識齋
君於未病之先使使豎奔人膏肓之內迨夫漢有淳于意晉有
王叔和唐有孫思邈韋慈藏明有朱丹溪是數子者醫中良技
萃於眾者也上繼夫聖君之緒下授夫遺君之傳通乎神明合
乎鬼神知夫吉凶休咎識夫生死存亡精誠於一而其所著述
者悉皆大條然吾觀古之人率皆質性醇朴道德涿行日以修
身養性爲事頤養天和無所戕賊所以罕疾卽不幸而致疾者
其惟命也夫若今之人則不然奢侈過甚私欲積熾不能存養
諸以動而有悔易於生疾但古今不一氣數不同所以聖君賢
相以及歷代明醫爲能忝乎風儔審乎時勢斟酌盡善調劑咸
宜方書行世皆準古以宜今者也且醫者每於三子之下一息
之間得其浮沉遲數望自問切六脈根原窮通壽夭由斯定矣



故診脈之法先調已息以俟人息凡四十五動者一息耳抑過
與不及皆爲病脈如二則敗矣三則遲矣四則平矣六則數矣
七則極矣八則脫矣九則死矣用劑者不可匆忙察病者不可
倉悴若不有仁人愛人之心良相燮理之術何以能造補天浴
日之功乎今望林孫先生年邁七旬歸隱於醫幾五十餘年無
士大夫童叟無不知名者上紹夫聖賢之傳下闡夫醫林之妙
著有脈訣秘方徑驗者居多矣分爲四科列有百三十一門梓
成五卷欲以壽世誠恐用之者有南北東西之異清濁厚蕩之
氣貧賤富貴之家和剥輕重之劑類而分之輯而徧之悉皆通
乎陰陽合乎神明豈飛衛生之青囊也哉吾故曰有仁人之心
良相之術先生其當之母讓云爾

勅授中憲大夫上都何廷楓漢

宸氏拜顯于紹正堂并書



肩

天下殺人者兵善用之則天下不受其毒而反足以生
下生人者醫不善用之則天下將受其毒而反足以殺
肱必三折而後稱良臂必九折而後稱善誠難之誠重
諺曰學書者紙費學醫者人費操術不精而致以生死爲見
戲醫之道尙忍言哉燕山孫子望林惻隱滿腔志存利濟生
平業岐黃以仁義爲長生之果其于肘後青囊可謂登堂而
阻截者凡所調劑無不立起沉疴行之數十年櫛井杏林在
在沾被旣乃輯疇昔所經驗者著爲方書二卷鏤版流傳後
復會集良朋論醫學博聞洽見斷以已意折衷盡善合成五
卷將謀續梓而苦于無資助厥成者則長白吳子德倍也于
是乎風行海內戶有刀圭而孫公救世之婆心與吳君成人



興道大學圖書館藏

之美德固並見于斯編矣然斯編統計四百二十三頁總一千六百餘方第行之既久外間翻刻多有遺漏舛錯遽去一百二十餘方漸至移步換爲害不淺今坊客購得原版以爲壽世金丹按病立方條分縷折使廬山真面目開然其白通都大邑以逮僻壤窮鄉或延醫不便者但令家藏此書能辨寒熱虛實任所投之俱足以回天札而臻仁壽非然者憂止採薪疾非二豎而誤入庸醫之手則囊中劍戟指下戈矛雜然並進勢不至于人費不止然則生人者醫而不善用之其爲荼毒無辜豈不更慘于兵哉貴維

皇清乾隆三年歲次戊午夏五月日躔鶉首之次

賜進士出身承德郎工部屯田清吏司主事南州後之調惕園

氏書於燕臺官舍



中國醫藥大學圖書館藏

序

燕山孫子慷慨好義士也諱偉號望林

今行年七十有六自述

幼因家寒父兄教以錢行糴米爲業頗不愿意留心方術施藥濟人年二十許涉歷江湖流寓楚之常山賣藥數載思歸故里遂于崇文門內懸壺二十餘年每見重于當代之王公大人延請招致迨無虛日後又進內院供事十四年在方略館沾恩授貴州關山嶺管驛因年近古稀隻身萬里告戕還里有五十年行道所積之方集成二卷名曰經驗藏書將版駝進京城刷印三千餘部行世于康熙乙酉歲遇幾位老友說及古時道侶逍遙之樂有雲朋之會大家一議集三二十輩每月一會談道德說感應內有一友係長白人姓吳諱化善號德倍者敦行善事捨益母丸取藥者門盈如市數百人取去無不見效四方



千里之外盡聞其名遂爲莫逆又于各寺觀道場之所無不有
善事貽人故人號爲散仙公志也公每思濟世之道莫先于療
療病之方莫先于藥第我一二人難行此事偉自說近日又得
許多奇方可惜無傳 吳德老憫公之志曰新書之費幾何首
舉者屬余爲公前驅同有中有情愿相幫任如之大家作此功
德故爾同一發心刊刻藥書一部五卷分金木水火土名標曰
良朋彙集此書不踪別書不言脈理不諳文法皆大家與眾人
所有經驗應手家藏海外異人種種秘方襍集成書雖不能以
埋言動高明用方救人效在頃刻雖隔山一照其病卽靈用藥
無不效也誠信然耳燕山黃子聞其說而嘉之愚昔勛良友
劉子彙集古今方書脈理經絡藥性病機無不脩載名曰醫統
管見繕寫成書宛然如昨撫舊帙而太息感遺物而興懷則於



孫子是書也知爲濟物利人登俗仁壽之至意云爾是爲序
峕

康熙五十年歲次辛卯陽月穀旦同里五

同里黃公禾拜手謹書





南京中医药大学图书馆版权所有

良朋彙集序

辛卯之冬十月下弦友人張九錫持書一帙題其簽則云良朋彙集而謂予曰是孫望林之異方也或出諸海外或受諸異傳百法百驗治無不效而疾無不去者矣予曰是良方也非異術也昔孔子曰聽訟吾猶人也必也使無訟乎言聖人之明德既明自然有以畏服民之心志故訟不待聽而自無也若人得疾而治弗若無疾而弗藥九錫曰信斯言也宜莫無疾予曰疾病之生係乎人天壽之數在乎天也蓋天地之造化曰命人物之靈明曰性故命無不齊而性有不一九錫曰何爲而然乎予曰爲其不能存養而全夫天也若存養之功至而修身之行齊則無疾病而不至於天矣向使存養之功未至而修身之方無術則生乎疾病而有以致乎天矣故孟子曰天壽不貳修身以俟

之所以立命也人能盡乎心性天命而克乎仁義禮智非但勿藥兼可無疾矣此則澄其源而清其流者也雖雍容乎義理涵養乎萬物而無不自得者矣故易曰大哉乾元萬物資始而統天不寧唯是不見夫異人之用異術乎傳有之曰天有六氣降生五味發爲五色徵爲五聲淫生六疾六氣曰陰陽風雨晦明也分爲四時序爲五節過則爲菑陰淫寒疾陽淫熱疾風淫末疾雨淫腹疾晦淫惑疾明淫心疾由此觀之若不節不時則蹈于淫而生於疾矣此疾之所由來者也若能戒懼乎諸疾慎守乎四時豈猶有他虞者乎故易曰至哉坤元萬物資生乃順承天從事於斯此卽良方也允若斯言保合性命克盡存養非但不藥兼可無疾故周書曰皇天無親惟與善人由此觀之則人之所養而可以參夫天也何疾可言哉吾故曰疾病之生係乎

人天壽之數在乎天也夫乾坤者天地之蘊奧也天地者大陰陽也天動乎上地動乎下日月並行而不息萬物並育而不害是其爲天也何爲而無疾乎詩云維天之命於穆不已是夫有於穆之德也人物者小陰陽也男動乎上女靜乎下出作而息隨時以休養又何從而生疾乎昔伏羲造書契神農嘗百草黃帝制方書是三聖者使民知夫心性天命合乎仁義禮智而趨吉避凶也自三代之下喜怒混乎中嗜慾感乎外以致聖賢之道蕪蕪於草莽之間也豈不傷哉今友人九錫資性粹每學間純正人非善不交物非善不取是所謂善人也信人也然九錫之學乃法之於吳德倍興德倍爲翁婿則德倍之爲人不言而可知矣望林者德倍之友也望林從事于醫久矣爰集諸方願公事用可謂不私其學矣然缺於工本非德倍無以成之予

謂望林雖有醫國之手非德倍無以立也德倍雖有樂善之心
無望林何以顯也二君子者庶乎仁人矣然其利澤及人者有
仁人之功矣故孔子曰如其仁如其仁二君子可以當之是集
也工本繁劇非一二人可成泊多諸賢樂成是集悉難盡舉正
所謂魯無君子者斯焉取斯然二君之德非九錫無以明九錫
之言非予述之不能脩故略申鄙疎之懷以俟後之君子其或
有感於斯文而珍藏於世更可以壽人也于是乎序

崑

康熙五十年十月下弦天水秦宗燦序

光緒九年春三月埽葉山房藏板

新刊良朋彙集卷之一

古燕孫 偉望林甫較輯

長白吳化善德倍甫梓訂

中風門

通關散

治中風不語不省人事牙關緊閉湯水不入者以此吹之

生南星

生半夏

猪牙皂

各等分

右爲細末用少許吹鼻內有嚏可治無嚏不可治

又通關散

治中風痰厥昏迷卒倒不省人事欲絕者

用巴豆去殼紙包槌油去豆不用用紙撚作條送入鼻內
或加牙皂末尤良或用前紙條燒烟薰入鼻內亦可

大秦芎湯

治卒中風痰厥半身不遂肢體麻木語言微澀症

秦芎 石膏 生各二錢 川芎 當歸 茯苓 生地

熟地 各八分 白芍 羌活 獨活 白朮 各六分

防風 黃芩 各七分 白芷 細辛 各五分 甘草 三分

用水二鍾煎一鍾去渣溫服時遇天陰加生薑七片如心下痞滿加枳實一錢此是秋冬之藥如春夏再加知母一錢煎服立効

又方

治厥不省人事六脈俱閉用折絹子的紙捲撚點烟薰入鼻內久則火痰吐出甚効

口眼歪斜方

